

UNIVERZITET U SARAJEVU - FILOZOFSKI FAKULTET

Kolegij šefova odsjeka/katedri

Broj: 01-04/6

Sarajevo, 26. 1. 2022. godine

Na osnovu člana 21. tačka c. 1. Pravilnika o unutrašnjoj organizaciji i sistematizaciji radnih mjesta na Filozofskom fakultetu Univerziteta u Sarajevu, Kolegij šefova odsjeka/katedri na sjednici održanoj 26. 1. 2022. godine, *donio je slijedeći*

ZAKLJUČAK

Usvaja se **PRAVILNIK O RADU KOLEGIJA ŠEFOVA ODSJEKA/KATEDRI NA UNIVERZITETU U SARAJEVU – FILOZOFSKOM FAKULTETU.**

PRAVILNIK O RADU KOLEGIJA ŠEFOVA ODSJEKA/KATEDRI NA UNIVERZITETU U SARAJEVU – FILOZOFSKOM FAKULTETU sastavni je dio ovog Zaključka.

DEKAN FAKULTETA

DOSTAVITI:

1. Dekanu Fakulteta
2. Prodekanima Fakulteta
3. Svim šefovima Odsjecima/Katedrama Fakulteta x15
4. Sekretaru Fakulteta
5. Službama Fakulteta
6. Uz zapisnik
7. a/a

Prof. dr. Muhamed Dželilović



UNIVERZITET U SARAJEVU -FILOZOFSKI FAKULTET

PRAVILNIK O RADU

KOLEGIJA ŠEFOVA ODSJEKA/KATEDRI
UNIVERZITETA U SARAJEVU – FILOZOFSKOG FAKULTETA

Sarajevo, januar 2022. godine

Na osnovu člana 21. tačka c. 1. Pravilnika o unutrašnjoj organizaciji i sistematizaciji radnih mjesta na Filozofskom fakultetu Univerziteta u Sarajevu, Kolegij šefova odsjeka/katedri na sjednici održanoj 26. 1. 2022. godine *donio je*

**PRAVILNIK
O RADU KOLEGIJA ŠEFOVA ODSJEKA/KATEDRI NA UNIVERZITETU U
SARAJEVU – FILOZOFSKOM FAKULTETU**

I OSNOVNE ODREDBE

Član 1.

- (1) Na Fakultetu je organiziran Kolegij šefova odsjeka/katedri Fakulteta (u daljem tekstu: Kolegij) kao savjetodavno i stručno tijelo Fakulteta. Ovim pravilnikom utvrđuje se rad Kolegija i njegovih članova, a naročito: način sazivanja sjednica, utvrđivanje dnevnog reda, predsjedavanje, učešće u radu sjednica, održavanje reda na sjednicama, odlučivanje, vođenje zapisnika i način rada Kolegija.
- (2) Ako se neki od izraza korištenih u ovom pravilniku odnosi na fizičke osobe, sve izraze u muškom rodu treba tumačiti na način da obuhvataju i osobe ženskog spola i obrnuto.

Član 2.

- (1) Kolegij čine dekan, prodekani, sekretar Fakulteta, rukovodioci podorganizacione jedinice odsjeka/katedri, voditelj Centra za naučnoistraživački rad i stručne aktivnosti, šef unutrašnje podorganizacione jedinice - šef Biblioteke, šefovi unutrašnjih podorganizacionih jedinica - stručnih službi i voditelj aktivnosti uspostavljanja studija „učenje na daljinu“/“*distance learning*“, elektronskog opismenjavanja i razvoja informacionog sistema i za stručne poslove vezane za organizaciju i rad Biblioteke.
- (2) Ukoliko je neko od članova Kolegija opravdano spriječen da prisustvuje sjednici može odrediti zamjenskog člana sa odsjeka/katedre i o istom pisanim putem obavijestiti Dekana, prije održavanja sjednice
- (3) Sjednicom Kolegija predsjedava dekan Fakulteta ili jedan od prodekana ukoliko je Dekan spriječen.
- (4) Kolegij donosi rješenja, prijedloge i zaključke većinom glasova članova Kolegija.
- (5) O naučnim i akademskim pitanjima izjašnjavaju se samo članovi Kolegija iz reda akademskog osoblja, bez stručnih službi.
- (6) Glasanje je, u pravilu, javno, podizanjem ruke.
- (7) Članovi Kolegija glasaju na način da se izjašnjavaju za prijedlog ili protiv njega.

Član 3.

- (1) Kolegij razmatra sva pitanja od značaja za organiziranje rada, funkcioniranje podorganizacionih jedinica i Fakulteta.
- (2) Kolegij razmatra izvršenje poslova, zadataka na Fakultetu i predlaže mjere radi unaprjeđenja nastavnog i naučnog rada i saradnje nastavno-naučnih odsjeka/katedri, centara, Centra NIRSA sa institutima, laboratorijima i stručnim centrima.
- (3) Kolegij priprema i razmatra planove i programe Fakulteta, finansijske planove Fakulteta, izvještaje o radu Fakulteta, te u skladu sa svojim ingerencijama sa

dekanom Fakulteta utvrđuje prijedloge koji bi bili uvršteni u dnevni reda Vijeća fakulteta i raspravlja o svim pitanjima koja su u nadležnosti rukovodioca podorganizacionih jedinica odsjeka/katedri.

- (4) Kolegij se stara o provođenju zadataka postavljenih od dekana Fakulteta, o provođenju općih akata Fakulteta, naloga dekana, rektora Univerziteta i nadležnog Ministarstva.
- (5) Kolegij ne može glasati o odlukama koje nisu u skladu sa važećim zakonskim i podzakonskim aktima.
- (6) O zakonitosti prijedlogâ o kojima se glasa mišljenje daje sekretar Fakulteta.
- (7) Kolegij obavlja i druge poslove koje mu u nadležnost odredi dekan i Vijeće Fakulteta.

Član 4.

- (1) Sjednice Kolegija održavaju se u skladu sa iskazanim potrebama od strane Vijeća fakulteta, od strane rukovodioca podorganizacionih jedinica ili rukovodstva Fakulteta kako to zahtijevaju potrebe posla.
- (2) Na sjednicama Kolegija vodi se zapisnik/izvod iz zapisnika, koji sadrži broj, datum, redni broj sjednice, datum, vrijeme početka i mjesto održavanja sjednice, teme sjednice, imena i prezimena prisutnih, prijedloge, primjedbe, sugestije i sl. iznesene na sjednici, donesene zaključke, vrijeme kada je sjednica završena, potpis dekana i lica koje je vodilo zapisnik.

II. SAZIVANJE SJEDNICE

Član 5.

- (1) Poziv za sjednicu Kolegija mora biti upućen u pisanom obliku članovima najkasnije pet dana prije dana određenog za održavanje sjednice.
- (2) Uz poziv za sjednicu članovima Kolegija dostavlja se prateća dokumentacija vezana za tačke dnevnog reda.

III. DNEVNI RED

Član 6.

- (1) Dnevni red sjednice Kolegija predlaže dekan, a utvrđuje ga Kolegij na početku sjednice.
- (2) Ako dekan u prijedlogu dnevnog reda nije unio neko pitanje predloženo za dnevni red, a predlagač ostaje pri svom zahtjevu, o prijedlogu odlučuje Kolegij na sjednici.
- (3) Prijedlog za unošenje pojedinih pitanja u dnevni red sjednice Kolegija imaju pravo podnijeti članovi Kolegija.
- (4) Članovi Kolegija mogu i na sjednici Kolegija predložiti stavljanje određenog pitanja na dnevni red, ali su dužni obrazložiti hitnost tog prijedloga. Kolegij glasanjem odlučuje hoće li predloženo pitanje biti uvršteno u dnevni red.
- (5) Prijedlozi za unošenje pojedinih pitanja u dnevni red sjednice Kolegija podnose se dekanu u pisanom obliku, i to pet dana prije održavanja same sjednice Kolegija.

IV PREDSJEDAVANJE I UČEŠĆE NA SJEDNICAMA

Član 7.

- (1) Sjednicama Kolegija predsjedava dekan, a u njegovoj odsutnosti prodekan, odn. ovlašteni član Kolegija.
- (2) Ukoliko se ustanovi da ne postoji kvorum, održavanje sjednice se odgađa.
- (3) Ukoliko dekan konstatuje da je prisutna većina članova, Kolegij može početi sa radom.
- (4) Dekan daje članovima Kolegija riječ po redu prijavljivanja.
- (5) Trajanje izlaganja članova Kolegija traje najduže deset minuta, diskusija najduže pet minuta, a replika najduže dvije minute.

V ODRŽAVANJE REDA NA SJEDNICI KOLEGIJA

Član 8.

- (1) Dekan se brine da učesnik u raspravi ne bude ometan u toku izlaganja.
- (2) Učesnik u raspravi može govoriti samo o pitanjima koje je na dnevnom redu.
- (3) Ako se udalji od dnevnog reda, dekan će ga pozvati da se istog drži.
- (4) Ako se učesnik u raspravi i poslije opomene ne bude držao reda, dekan mu može oduzeti riječ.

VI ZAVRŠNE ODREDBE

Član 9.

Poslovník stupa na snagu danom donošenja i objavit će se na webstranici Fakulteta.

Broj: 01-04/6-1
Sarajevo, 26. 1. 2022. godine

DEKAN FAKULTETA

Prof. dr. Muhamed Dželić